

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON/KANTON SREDIŠNJA BOSNA  
KANTONALNO TUŽILAŠTVO/KANTONALNO TUŽITELJSTVO  
T R A V N I K

Broj: T06 0 KT 0036476 24

Travnik, 24.02.2025.godine

**OPĆINSKOM SUDU U TRAVNIKU**

- Sudiji za prethodno saslušanje -

Na osnovu odredbe člana 45. stav 2. tačka „i“ člana 241. stav 1. Zakona o krivičnom postupku Federacije Bosne i Hercegovine, p o d i ž e m

**OPTUŽNICU**

***Potvrđena 25.02.2025.godine***

**Protiv:**

**Enisa Rastoder**

Po Rješenju Općinskog suda Travnik broj: 51 0 K 228782 24 Kpp 3 od 12.12.2024.godine prema osumnjičenom Enisu Rastoder određen je pritvor u trajanju od mjesec dana i isti se po tom rješenju ima računati od 10.12.2024.godine u 02,15 sati kada je lišen slobode pa najduže do 10.01.2025.godine do 02,15 sati, a prema Rješenju Općinskog suda u Travnik u broj: 51 0 K 228782 24 Kv od 07.01.2025.godine prema osumnjičenom Rastoder Enisu produžen je pritvor za dva mjeseca, te se može držati u pritvoru najduže do 10.03.2025.godine do 02,15 sati ili do nove odluke Suda.

**Zbog postojanja osnovane sumnje da je:**

1. Dana 09.12.2024.godine oko 23,00 sati, u mjestu Ratanjska općina Novi Travnik, protivno odredbi člana 4. stav 1., 3. i 5. u vezi sa članom 19. i 20. Zakona o sprečavanju i suzbijanju zloupotrebe opojnih droga u BiH (Sl. glasnik BiH broj: 8/06, 103/08 i 51/11) radi prodaje neovlašteno držao i prenosio materije koje su proglašene opojnim drogama, iako je znao i bio svjestan da te materije čine opojnu drogu i da su radi prodaje držanje i prijenos opojne droge zakonom zabranjeni, što je i htio, na način da je drogu, a nakon što ju je prethodno nabavio od njemu poznate osobe, sakrio u putničkom motornom vozilu marke Jeep Compass reg. oznaka E05-O-439, koje je registrovano na njegovog brata E. R., u unutrašnjosti konzole ispod upravljača vozila i ispod poklopca motora na gornjem dijelu motora, a zatim se upravljajući tim vozilom uputio iz pravca Sarajeva u pravcu Novog Travnika sa suvozačem u vozilu S. H., gdje je u mjestu Ratanjska zaustavljen od strane službenika MUP-a SBK Travnik koji su izvršenim pregledom i pretresom vozila ispod upravljača vozila u unutrašnjosti konzole pronašli jednu pvc prozirnu vrećicu sa zip zatvaračem u kojoj se nalazila druga prozirna pvc vrećica sa sadržajem bijele materije za koju je vještačenjem utvrđeno da sadrži psihoaktivnu komponentu kokain u količini od 8,634gr koja droga je zabranjena i nalazi se na Listi psihotropnih tvari iz tabele II „Supstance i biljke pod strogom

kontrolom koje su proglašene takvom“ i ispod poklopca motora na gornjem dijelu motora vozila pvc vakumiranu foliju sa sadržajem bijele materije za koju je vještačenjem utvrđeno da sadrži psihoaktivnu komponentu amfetamin neto mase 971,34gr koja droga je zabranjena i nalazi se na Listi psihotropnih tvari iz tabele II „Supstance i biljke pod strogom kontrolom koje su proglašene takvom“, koja opojna droga je od strane ovlaštenih službenih osoba MUP-a SBK Travnik od istog privremeno oduzeta uz izdavanje potvrde o privremenom oduzimanju predmeta.

Dakle, neovlašteno radi prodaje, kupio, držao i prenosio opojnu drogu.

2. Dana 09.12.2024.godine oko 22,00 sata na području općine Novi Travnik protivno odredbi člana 4. stav 1., 3. i 5. u vezi sa članom 19. i 20. Zakona o sprečavanju i suzbijanju zloupotrebe opojnih droga u BiH (Sl. glasnik BiH broj: 8/06, 103/08 i 51/11), drugom dao opojnu drogu da je uživa, iako je bio svjestan da je davanje droge radi uživanja drugom zakonom zabranjeno, što je i htio, na način da je upravljao pmv marke Jeep Compass reg. oznaka E05-O-439 iz pravca Sarajeva u pravcu Novog Travnika, sa suvozačem u vozilu S. H., pa kako je kod sebe posjedovao paketić kokaina iz kojeg je izvadio dio i razvukao je u crtu, a zatim omogućio S. H. da šmrkanjem konzumira tu drogu, pa kada se dovezao u mjesto Ratanjska, općina Novi Travnik, gdje je zaustavljen od strane policije, pa kada je S. H. prije zaustavljanja vidjela policiju, taj paketić kokaina stavila je u džep jakne, koji paketić droge je policija izuzela od S. H. uz izdavanje potvrde o privremenom oduzimanju predmeta.

Dakle, drugom omogućio uživanje opojne droge.

**Čime je počinio** krivično djelo „Neovlaštena proizvodnja i stavljanje u promet opojnih droga“ iz člana 238. stav 1. u sticaju sa krivičnim djelom „Posjedovanje i omogućavanje uživanja opojnih droga“ iz člana 239. stav 1. KZ F BiH.

**Na osnovu člana 242. stav 3. u vezi sa članom 146. stav 1. tačka a) i c) Zakona o krivičnom postupku F BiH, predlažem da se osumnjičenom produži pritvor do okončanja glavnog pretresa.**

**Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.**